

PEMBERITAHUAN PERTANYAAN DEWAN RAKYAT

PERTANYAAN : LISAN

**DARIPADA : DATUK JOSEPH SALANG ANAK GANDUM
[JULAU]**

TARIKH : 17 JUN 2014

SOALAN :

Datuk Joseph Salang anak Gandum [Julau] minta MENTERI PERUSAHAAN PERLADANGAN DAN KOMODITI menyatakan sama ada Kementerian ada perancangan dan strategi untuk membangunkan pekebun kecil yang terlibat dalam penanaman komoditi seperti koko, lada, getah dan kelapa sawit menjadi pekebun kecil berpendapatan tinggi.

JAWAPAN :

Tuan Yang Di-Pertua,

Untuk makluman Ahli Yang Berhormat, memang menjadi matlamat Kerajaan agar pekebun-pekebun kecil juga berpeluang untuk meningkatkan pendapatan mereka selari dengan hasrat negara menjadi sebuah negara berpendapatan tinggi. Ianya juga adalah selaras dengan matlamat Dasar Komoditi Negara (DKN) 2011-2020 untuk meningkatkan pendapatan pengusaha industri komoditi terutamanya pekebun kecil.

Ke arah ini, Kerajaan menasihat petani dan pekebun kecil yang mempunyai tanah yang mencukupi supaya menanam berbagai kumpulan tanaman komoditi misalnya sawit, getah, lada dan koko. Mereka boleh memilih untuk menanam dua atau tiga jenis tanaman komoditi. Dengan cara ini, diharapkan pendapatan petani dan pekebun kecil dapat dipertingkatkan dan sasaran kita ialah supaya pendapatan mereka sekurang-kurangnya RM4,000 sebulan.

Kementerian juga menggalakkan para pekebun kecil untuk menubuhkan koperasi bagi membantu mereka memasarkan hasil tanaman terus ke kilang. Dengan cara ini diharap mereka memperoleh harga yang baik serta pendapatan mereka dapat dipertingkatkan.

Sekian, terima kasih.